



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christiana Institvtio Virtutum & vitiorum sacri uerbi Dei
declamatoribus admodum vtilis et necessaria**

Ammiani, Sebastiano

Venetiis, 1562

Prouidere debemus bona coram Deo, & hominibus.

urn:nbn:de:hbz:466:1-30415

*Providere debemus bona coram
deo, & hominibus.*

Coram deo tripliciter, scilicet, corde, ore, & opere. Corde super omnia ipsum amando. Vnde ipse in Exodo de decem præceptis loquens ait. Non habebis deos alienos coram me. Contra quod præceptum facit quis tripliciter. Primo quia alij magis quam deo credit, sicut Eva quæ magis credidit diabolo, quàm domino. Et illi qui potius carni suæ uel mûdo, quàm deo credunt. Secundo quia plus cõfidit in homine quam in deo. Hier. Maledictus homo, qui confidit in homine, & ponit carnem brachium suum, scilicet in rem fragilem uirtutem suam. Tertio quia amat plus aliquid terrenum, ut diuitias, & delicias quam deum. Ephe. 5. Auaritia est Idolorum seruitus, &c. super quibus uerbis dicit Glossa. Avari deus est munus. Et super illud Philippensiu. 3. Quorum deus uenter est, &c. dicit Auguf. Pater Augustinus. Hoc ab homine colitur, quod præ ceteris diligitur. Ore, idest nil contra deum iniustum loquendo. Vnde posuit secundum præceptum dicens. Non assumes no-

Exo. 20.

Hier. 17.

Ephe. 5.

Glossa.
Phil. 3.

Auguf.

men Dei tui in uanum. Contra quod facit quis quadrupliciter.

Primo, cum quis iurat pro nihilo.

Secundo, cum quis iurat mendacium.

Tertio, cum iurat iniustum.

Quarto, cum iurat in contumeliam dei, sicut blasphemantes deum.

Opere, idest nihil iniustum operando. Vnde posuit tertium præceptum dei.

Memento ut diem sabbati sanctifices. Contra quod facit quis tripliciter.

Exo. 20

Primo quia opus terrenum plus amat propter aliquod lucrum, quam honorem solemnitatis.

Vnde sequitur. Non facies in eo omne opus tuum, & filius tuus, & filia tua, iumentum, & aduena, qui est intra portas tuas.

Secundo, quia festum inquinat munditia alicuius peccati. Vnde dicitur.

Memento ut diem sabbati sanctifices, idest sanctorum conserues, diligenter in eo à peccato cauendo.

Tertio, cum in peccato primum commissio perseuerat.

Hier. 17

Vnde Hier. 17. Nolite pondera portare in die sabbati.

Non bene festum obseruat, qui pondus diaboli in eo portat.

Coram hominibus dupliciter. Primo facere eis, quæ uolumus nobis fieri;

Luc. 6.

iuxta præceptum seruatoris. Pro ut uultis ut faciant uobis homines, facite & illis.

Ad quod pertinet quarta

tuum præceptum . Honora patrem
tuum , & matrem tuam . Secundo,
non facere aliis , quod nolumus no-

Tob, 4.

bis fieri . Tob . 4 . Quod ab alio o-
dis fieri tibi , uide ne aliquando tu a-
liis facias . Ad quod possunt perti-
nere sextum & ultimum præceptum .
Vnde notandum quod tripliciter po-
test quis iniuriari proximo suo . Si-
licet , facto , & hoc tripliciter .

Vel quantum ad ipsam personam,
quod prohibetur ibi . Non mœcha-
beris . uel quantum ad sua, quod pro-
hibetur ibi . Non dices falsum testi-
monium contra proximum tuum . uel
quantum ad suos , quod prohibetur
ibi . Non mœchaberis . Verbo , quod
prohibetur ibi . Non dices falsum
testimonium contra proximum tu-
um . Voluntate , quod prohibetur
in duobus sequentibus , scilicet , Non
concupisces proximi tui domum,
Nec desiderabis uxorem eius , Non
seruum , Non ancillam , Non ouem ,

Non bouem , Non asinum , Nec
omnia quæ illius sunt . Hoc
pacto igitur debemus
facere bona co-
ram deo , &
homi-
bus .